



# SREDNJOROČNI PLAN RADA

DIREKCIJE ZA KOORDINACIJU  
POLICIJSKIH TIJELA BOSNE I  
HERCEGOVINE  
2024-2026

*Sarajevo, april 2024.*

## SADRŽAJ

POGLAVLJE 1: Strateški okvir.....	3
POGLAVLJE 2: Misija i vizija.....	5
POGLAVLJE 3: Učesnici i partneri.....	5
3.1. SARADNJA SA DOMAĆIM INSTITUCIJAMA.....	5
3.2. MEĐUNARODNA SARADNJA .....	7
3.2.1. SARADNJA SA INTERPOL-om .....	7
3.2.2. SARADNJA SA EUROPOL-om .....	7
3.2.3. SARADNJA SA SELEC-om, MULTILATERALNA I BILATERALNA SARADNJA .....	8
POGLAVLJE 4: Osnovna programska opredjeljenja .....	8
4.1. RAZVIJANJE I JAČANJE KOMUNIKACIJE, KOORDINACIJE I SARADNJE IZMEĐU POLICIJSKIH I DRUGIH RELEVANTNIH TIJELA U BIH.....	9
4.2. UNAPREĐIVANJE MEĐUNARODNE OPERATIVNE POLICIJSKE SARADNJE .....	10
4.3. UNAPREĐIVANJE ZAŠTITE LIČNOSTI I OBJEKATA KOJI SE POSEBNO ŠTITE .....	11
4.4. PODRŠKA ZA REALIZACIJU PROGRAMA I PROGRAMSKIH AKTIVNOSTI. 11	
POGLAVLJE 5: Resursi i kapaciteti potrebni za postizanje cilja .....	12
5.1. IZVORI FINANSIRANJA.....	12
5.2. KAPACITETI POTREBNI ZA IZVRŠENJE PLANA .....	12
POGLAVLJE 6: Okvir za praćenje provođenja plana i evaluaciju rezultata.....	12
6.1. KLJUČNI POKAZATELJI.....	12
6.1.1. POKAZATELJI USPJEHA ZA SREDNJOROČNI CILJ .....	12
6.1.2. POKAZATELJI USPJEHA ZA SPECIFIČNI CILJ.....	13
6.1.3. POKAZATELJI REZULTATA ZA PROGRAM.....	13
6.2. PRAĆENJE IZVRŠENJA I EVALUACIJA SREDNJOROČNOG PLANA RADA . 14	

## POGLAVLJE 1: Strateški okvir

Direkcija za koordinaciju policijskih tijela BiH (u daljem tekstu: Direkcija) je upravna organizacija u okviru Ministarstva bezbjednosti BiH s operativnom samostalnošću osnovana radi obavljanja poslova i zadataka iz svoje nadležnosti utvrđenih članom 6. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine (Službeni glasnik BiH, broj 36/08), kojom rukovodi direktor i koja se finansira iz budžeta institucija BiH.

Poslovi iz nadležnosti Direkcije su:

- a) komunikacija, saradnja i koordinacija između policijskih tijela BiH;
- b) komunikacija, saradnja i koordinacija između policijskih tijela BiH s odgovarajućim organima u Bosni i Hercegovini u vezi s pitanjima policijskih poslova međunarodnog karaktera ili od međunarodnog značaja, ili u vezi s pitanjima koja su u nadležnosti Suda BiH;
- c) komunikacija i saradnja s odgovarajućim stranim i međunarodnim organima u vezi s pitanjima policijskih poslova od međunarodnog značaja ili zajedničkog interesa;
- d) komunikacija, saradnja i koordinacija između policijskih tijela BiH te odgovarajućih organa u Bosni i Hercegovini s odgovarajućim stranim i međunarodnim organima;
- e) primjena najboljih evropskih i drugih međunarodnih praksi koje se odnose na policijska pitanja u Bosni i Hercegovini;
- f) standardizacija rada u vezi s policijskim pitanjima u Bosni i Hercegovini;
- g) dnevno objedinjavanje bezbjedonosnih informacija od značaja za Bosnu i Hercegovinu, kao i od značaja za obavljanje poslova iz nadležnosti policijskih tijela BiH, stalna saradnja s relevantnim policijskim i drugim tijelima i poduzimanje potrebnih mjera s ciljem koordinacije operativnih poslova policijskih tijela BiH, te dnevno praćenje stanja bezbjednosti i obavještanje nadležnih policijskih i drugih tijela BiH;
- h) organizovanje i provođenje fizičke i tehničke zaštite lica i objekata organa BiH i diplomatsko – konzularnih organa koji se posebno štite u skladu s odgovarajućim zakonima, međunarodnim obavezama i drugim propisima koje donosi Savjet ministara BiH;
- i) prikupljanje, praćenje, analiziranje i korištenje podataka od značaja za bezbjednost Bosne i Hercegovine;
- j) provođenje međunarodnih ugovora o policijskoj saradnji iz nadležnosti Direkcije;
- k) ostali poslovi propisani zakonima i drugim propisima.

Pravilnikom o unutrašnjoj organizaciji i sistematizaciji Direkcije utvrđeni su opšti principi i načela unutrašnje organizacije; sjedište Direkcije; osnovne organizacione jedinice i djelokrug rada; način upravljanja i rukovođenja; programiranje rada, koordinacija strateških pitanja i izvještanje o realizovanim poslovima; prava, odgovornosti i broj službenika, te radni odnosi i disciplinska odgovornost službenika.

Direkcija obrađuje podatke i vodi evidencije u skladu sa Zakonom o policijskim službenicima BiH, Zakonom o zaštiti ličnih podataka, Zakonom o zaštiti tajnih podataka i drugim propisima u BiH.

Rad Direkcije je javan i javnost rada se ostvaruje u skladu sa Zakonom o slobodi pristupa informacijama Bosne i Hercegovine (Službeni glasnik BiH, broj 28/00, 45/06 i 102/09) i podzakonskim aktima Savjeta ministara BiH.

Kroz svoj rad u kome je akcenat stavljen na usvajanje neophodnih normativno pravnih akata, izgradnju potrebnih ljudskih i materijalno-tehničkih kapaciteta, te uspostavljanja saradnje sa relevantnim institucijama i službama, menadžment Direkcije je prepoznao neophodnost izrade strateških dokumenata kao bitnog preduslova za jačanje kapaciteta same organizacije shodno standardima i najboljim praksama EU.

Razvojnu strategiju, Direkcija namjerava graditi na poštovanju zakona i svojih nadležnosti, unutrašnjim potencijalima, transparentnosti, orijentisanosti na pružanje kvalitetnih usluga, stručnosti, dobroj organizaciji rada, te adekvatnom upravljanju projektima.

U cilju planskog provođenju aktivnosti na ispunjavanju svoje misije i vizije, Direkcija je postupala shodno srednjoročnim i godišnjim planovima rada. Svake godine sačinjavaju se srednjoročni planovi rada Direkcije za naredne tri godine. U propisanom roku 2022. godine sačinjen je *nacrt Srednjoročnog plana rada Direkcije za koordinaciju policijskih tijela BiH za period 2023-2025. godina, koji nije usvojen zbog neusvajanja Srednjoročnog programa rada Savjeta ministara BiH za period 2023-2025. godina*. Takođe, Direkciji za ekonomsko planiranje Savjeta ministra BiH i Ministarstvu finansija i trezora BiH u propisanim rokovima dostavljani su Izvještaji o realizaciji srednjoročnih planova rada, kojima je zaključeno da se planirane aktivnosti realizuju na zadovoljavajućem nivou. Paralelno sa ovim ciklusom srednjoročnog planiranja, realizuju se i godišnje planiranje. Naime, na temelju srednjoročnih planova rada, krajem godine donosi se *godišnji program rada za narednu godinu*, u kojem su definisani konkretni zadaci i aktivnosti za realizaciju utvrđenih ciljeva i programa iz srednjoročnog plan rada.

U martu 2014. godine sačinjena je *Procjena institucionalnih kapaciteta Direkcije za koordinaciju policijskih tijela BiH*, u septembru 2022. godina *Plan integriteta Direkcije za koordinaciju policijskih tijela BiH*, a u aprilu 2022. godine *Plan za borbu protiv korupcije Direkcije za koordinaciju policijskih tijela BiH za 2022. godinu*, koji su nastali kao rezultat napora za institucionalno unapređenje i izgradnju kapaciteta Direkcije za borbu protiv korupcije, te efikasnije saradnje sa Agencijom za sprječavanje korupcije i koordinaciju borbe protiv korupcije.

Pri izradi svojih planskih i strateških dokumenata Direkcija uzima u obzir:

- a) Strateški okvir institucija BiH do 2030. godine,
- b) Srednjoročni program rada Savjeta ministara BiH,
- c) Obaveze za realizaciju aktivnosti iz Mape puta za liberalizaciju viznog režima sa EU,
- d) Obaveze koje proizlaze iz izvještaja Evropske komisije o napretku u BiH,
- e) Mjere iz akcionih planova za realizaciju strategija za borbu protiv određenih pojava oblika kriminaliteta u BiH,
- f) Mjere iz Akcionog plana za reformu javne uprave,
- g) Izvještaje o radu Direkcije,
- h) Izvještaje o finansijskoj reviziji Direkcije.

## POGLAVLJE 2: Misija i vizija

### MISIJA

Stalnim jačanjem komunikacije, koordinacije i saradnje sa svim partnerima u Bosni i Hercegovini i inostranstvu, služiti policijskim i drugim relevantnim tijelima u Bosni i Hercegovini u efikasnijem obavljanju poslova iz njihove nadležnosti, te vršiti zaštitu ličnosti i objekata koji se štite i tako aktivno doprinositi bezbjednosti i kvalitetu života građana Bosne i Hercegovine, regije i šire.

### VIZIJA

Direkcija za koordinaciju policijskih tijela Bosne i Hercegovine postaje savremena, inventivna i ciljno orjentisana profesionalna policijska agencija koja mjerljivo doprinosi bezbjednosti zemlje i regije postajući prepoznatljiva dodatna vrijednost policijskoj strukturi Bosne i Hercegovine. Zaposlenici će kontinuirano razvijati kapacitete Direkcije obučavanjem, korištenjem savremenih tehnologija, inovacija i razvijanjem partnerskih odnosa utemeljenih na profesionalizmu i međusobnom uvažavanju.

## POGLAVLJE 3: Učesnici i partneri

### 3.1. SARADNJA SA DOMAĆIM INSTITUCIJAMA

Članom 11. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine, definisana je službena saradnja Direkcije sa drugim policijskim tijelima i odgovarajućim organima Bosne i Hercegovine, a članom 12. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine, definisana je obaveza obavještanja Direkcije i nadležnih tijela u BiH. Takođe, zakoni kojima je propisana nadležnost drugih policijskih agencija i relevantnih tijela, propisuju i njihovu saradnju sa Direkcijom.

Pružanje pomoći definisano je zakonom, a detaljnije se ova oblast nastoji urediti memorandumima i sporazumima o međusobnoj saradnji. Direkcija postupa po sljedećim sporazumima i memorandumima:

- *Sporazum o uspostavljanju Sistema elektronske razmjene podataka iz evidencija policijskih tijela i tužilaštva*, potpisan u septembru 2009. godine između Ministarstva bezbjednosti BiH, Granične policije BiH, Državne agencije za istrage i zaštitu, Federalne uprave policije, MUP-a Republike Srpske, Policije Brčko distrikta, MUP-ova kantona i Visokog sudskog i tužilačkog savjeta BiH. U junu 2010. godine Direkcija i Služba za poslove sa strancima potpisale su aneks navedenog Sporazuma.
- *Sporazum o obezbjeđenju transporta gotovog novca Centralne banke BiH*, potpisan u februaru 2013. godine između Direkcije i Centralne banke BiH.
- *Protokol o prijemu, transportu, predaji, obezbjeđenju vrijednosnih pošiljki i obezbjeđenju istovara/utovara vrijednosnih pošiljki Centralne banke BiH*, potpisan u aprilu 2013. godine između Direkcije i Centralne banke BiH.
- *Sporazum o međusobnom pružanju pomoći i operativnoj saradnji agencija za sprovođenje zakona*, potpisan u junu 2014. godine između Direkcije, Državne agencije za istrage i zaštitu, Granične policije BiH, Federalne uprave policije i Ministarstva

- unutrašnjih poslova Kantona Sarajevo.
- *Sporazum o depešnom saobraćaju između Ministarstva unutrašnjih poslova Republike Srpske i Direkcije za koordinaciju policijskih tijela Bosne i Hercegovine*, potpisan u februaru 2018. godine između Ministarstva unutrašnjih poslova Republike Srpske i Direkcije.
  - *Sporazum o osiguranju transporta dokaznog materijala Agencije za forenzička ispitivanja i vještačenja*, potpisan u maju 2018. godine između Direkcije i Agencije za forenzička ispitivanja i vještačenja.
  - *Sporazum o tehničkoj saradnji i zajedničkom korištenju informaciono - komunikacionih resursa*, potpisan u novembru 2018. godine između Direkcije i Generalnog sekretarijata Savjeta ministara BiH.
  - *Protokol o osiguranju transporta dokaza i osiguranju istovara/utovara dokaza Agencije za forenzička ispitivanja i vještačenja*, potpisan u maju 2018. godine između Direkcije i Agencije za forenzička ispitivanja i vještačenja.
  - *Sporazum o korištenju sistema radio veze između policijskih agencija u BiH*, potpisan u decembru 2018. godine između Direkcije i Državne agencije za istrage i zaštitu, Granične policije Bosne i Hercegovine, Federalne uprave policije, Ministarstva unutrašnjih poslova Unsko-sanskog kantona, Ministarstva unutrašnjih poslova Tuzlanskog kantona, Ministarstva unutrašnjih poslova Zeničko-dobojskog kantona, Ministarstva unutrašnjih poslova Bosansko-podrinjskog kantona, Ministarstva unutrašnjih poslova Srednjobosanskog kantona i Ministarstva unutrašnjih poslova Kantona Sarajevo.
  - *Sporazum o načinu i uslovima angažovanja pripadnika Direkcije za koordinaciju policijskih tijela BiH na zadacima zaštite i spašavanja na području Opštine Centar Sarajevo*, potpisan u maju 2019. godine između Direkcije i Opštine Centar Sarajevo.
  - *Sporazum o međusobnom pružanju pomoći i operativnoj saradnji u borbi protiv terorizma*, potpisan u aprilu 2020. godine. Sporazum su pored Direkcije potpisali i Državna agencija za istrage i zaštitu, Obavještajno - bezbjedonosna agencija Bosne i Hercegovine, Granična policija Bosne i Hercegovine, Federalna uprava policije, Ministarstvo unutrašnjih poslova Republike Srpske, Policija Brčko distrikta Bosne i Hercegovine i Služba za poslove sa strancima.
  - *Sporazum između Službe za poslove sa strancima i Direkcije za koordinaciju policijskih tijela BiH o zastupanju u okviru kontakt tačke za BiH za saradnju sa Europolom*, potpisan u aprilu 2021. godine.
  - *Sporazum o zastupanju u okviru kontakt tačke za BiH za saradnju sa Europolom između Uprave za indirektno oporezivanje i Direkcije za koordinaciju policijskih tijela BiH*, potpisan u julu 2021. godine.

Takođe, Direkcija postupa po *Memorandumu o saradnji, pružanju pomoći i međusobnoj koordinaciji poslova iz oblasti zaštite ličnosti i objekata*, koji je u martu 2005. godine potpisan između Državne agencije za istrage i zaštitu, Granične policije BiH, MUP-a Republike Srpske, Federalnog ministarstva unutrašnjih poslova, MUP-a Unsko-sanskog kantona, MUP-a Posavskog kantona, MUP-a Tuzlanskog kantona, MUP-a Zeničko-dobojskog kantona i MUP-a Bosansko-podrinjskog kantona, obzirom da je tada poslove zaštite VIP ličnosti i objekata obavljala Državna agencija za istrage i zaštitu.

## 3.2. MEĐUNARODNA SARADNJA

Nadležnost Direkcije za međunarodnu operativnu policijsku saradnju definisana je članom 6. stav 1. tačke c) i d) Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine. Saradnja se ostvaruje preko **Sektora za međunarodnu operativnu policijsku saradnju** koji je osnovna organizacijska jedinica Direkcije. U okviru **Sektora za međunarodnu operativnu policijsku saradnju** obavljaju se poslovi u skladu sa nacionalnim zakonodavstvom i članstvom Bosne i Hercegovine u *Međunarodnoj organizaciji kriminalističke policije – Interpol*, *Sporazumom o operativnoj i strateškoj saradnji između BiH i Kancelarije Evropske policije - Europol*, te u skladu sa članstvom u *Inicijativi saradnje u Jugoistočnoj Evropi - SELEC*. Zadatak Sektora je obezbjediti, provoditi i unaprijediti saradnju domaćih policijskih, sudskih i drugih nadležnih tijela u sklopu međunarodne operativne policijske saradnje sa drugim zemljama u svijetu, kao i tijelima drugih država sa domaćim policijskim, sudskim i drugim tijelima.

Direkcija predstavlja jedinstvenu tačku za razmjenu informacija na strateškom i operativnom nivou u sklopu provođenja međunarodnih istraga.

### 3.2.1. SARADNJA SA INTERPOL-om

U skladu sa zakonodavstvom Bosne i Hercegovine, Statutom i Pravilnikom o obradi podataka Interpola (International Criminal Police Organization - ICPO), **Odsjek – NCB Interpol Sarajevo** kao unutrašnja organizaciona jedinica Sektora za međunarodnu operativnu policijsku saradnju u okviru Direkcije, predstavlja jedinstvenu kontakt tačku za saradnju u sklopu članstva u ovoj međunarodnoj organizaciji. Odsjek obezbjeđuje, provodi i unapređuje saradnju (preko bezbjedne zaštićene elektronske mreže I-24/7) sa Generalnim sekretarijatom Interpola - IPSG (Interpol General Secretariat) i drugim NCB-ovima članicama Interpola u svijetu. Na ovaj način se vrši razmjena podataka na strateškom i operativnom nivou kao i komunikacija u saradnji nadležnih tijela za sprovođenje zakona u Bosni i Hercegovini sa Interpolom i Interpola sa nadležnim domaćim tijelima. Odsjek NCB Interpol Sarajevo, kao Nacionalna centralna kancelarija, predstavlja Bosnu i Hercegovinu u članstvu Interpola, te kao takav sudjeluje u svim aktivnosti u sklopu ove međunarodne policijske kriminalističke organizacije (projekti, konferencije, operativne akcije, obuke i radna tijela Interpola).

### 3.2.2. SARADNJA SA EUROPOL-om

Do pune operativne implementacije i uspostave Nacionalne kontakt tačke za saradnju sa EUROPOL-om, **Odsjek za saradnju sa Europolom**, kao unutrašnja organizaciona jedinica Sektora za međunarodnu operativnu policijsku saradnju u okviru Direkcije, u skladu sa zakonodavstvom Bosne i Hercegovine, Sporazumom o operativnoj i strateškoj saradnji između Bosne i Hercegovine i Kancelarije Evropske policije - **Europol**, i Memorandumom o razumjevanju o povjerljivosti i bezbjednosti informacija između Bosne i Hercegovine i Kancelarije Evropske policije, obezbjeđuje i sprovodi razmjenu podataka na strateškom i operativnom nivou (putem bezbjedne komunikacijske linije – „SIENA“) između Europola, zemalja članica Europola i trećih strana sa jedne strane i nadležnih tijela za sprovođenje zakona u Bosni i Hercegovini sa druge strane. Direkcija pruža svu potrebnu podršku na uspostavi Nacionalne kontakt tačke za saradnju sa EUROPOL-om, te na zahtjev nadležnih agencija za sprovođenje zakona obuhvaćenih Aneksom II Sporazuma, vrši obuku imenovanih predstavnika

u Nacionalnoj kontakt tački.

U aprilu i julu 2021. godine Direkcije je potpisala sporazume o saradnji i zastupanju u Nacionalnoj kontakt tački BiH sa Službom za poslove sa strancima i Upravom za indirektno oporezivanje, kojima je definisano da imenovani predstavnik Direkcije predstavlja navedene agencije u Nacionalnoj kontakt tački za saradnju sa EUROPOL-om.

### 3.2.3. SARADNJA SA SELEC-om, MULTILATERALNA I BILATERALNA SARADNJA

Saradnja se ostvaruje preko *Odsjeka za multilateralnu i bilateralnu saradnju i implementaciju međunarodnih ugovora Direkcije* shodno domaćim zakonima i drugim propisima, te u skladu sa *Kovencijom o Centru za sprovođenje zakona u Jugoistočnoj Evropi* - SELEC konvencija o saradnji policijskih agencija, carinskih službi i drugih relevantnih tijela zemalja Jugoistočne Evrope (Službeni glasnik BiH, broj 11/10), *Konvencijom o policijskoj saradnji za Jugoistočnu Evropu* (Službeni glasnik BiH, broj 4/07) i drugim bilateralnim i multilateralnim sporazumima potpisanim od strane Bosne i Hercegovine koji se odnose na međunarodnu policijsku saradnju.

Odsjek obavlja poslove iz oblasti multilateralnih i bilateralnih ugovora u vezi međunarodne policijske saradnje, predstavlja tačku za saradnju nadležnih tijela u Bosni i Hercegovini preko Nacionalne tačke kontakta – NFP (National Focal Point) sa SELEC-om, predstavlja tačku za strane i domaće policijske oficire za vezu, te obezbjeđuje, provodi i unapređuje saradnju sa oficirima za vezu.

U okviru međunarodne saradnje značajno je istaći saradnju na implementaciji *Konvencije o policijskoj saradnji zemalja Jugoistočne Evrope* (*Memorandum o razumijevanju, saradnji i podršci u vezi sa Sekretarijatom Konvencije o policijskoj saradnji za Jugoistočnu Evropu, potpisan je 21. maja 2010. godine, a stupio je na snagu za BiH 1. marta 2013. godine*) u okviru koje je organizovano više radnih grupa (Radna grupa za zajedničke istražne timove i Radna grupe za prekogranični nadzor). Takođe Direkcija razvija izuzetno intezivnu saradnju sa stranim oficirima za vezu u BiH i EUFOR-om.

## POGLAVLJE 4: Osnovna programska opredjeljenja

### **Srednjoročni cilj**

Unapređenje bezbjedonosnog sektora u nadležnosti institucija BiH sa aspekta odgovornosti i efikasnosti.

### **Specifični cilj**

Razvijanje i jačanje domaće i međunarodne policijske saradnje i unapređenje zaštite ličnosti i objekata.

### **Program za realizaciju srednjoročnog i specifičnog cilja:**

Policijska saradnja i zaštita ličnosti i objekata.



#### **4.1. RAZVIJANJE I JAČANJE KOMUNIKACIJE, KOORDINACIJE I SARADNJE IZMEĐU POLICIJSKIH I DRUGIH RELEVANTNIH TIJELA U BIH**

Komunikacija i saradnja Direkcije sa policijskim tijelima i drugim organima za sprovođenje zakona u BiH je uspostavljena i kontinuirano se poduzimaju aktivnosti na njenom unapređenju. Ove aktivnosti su jednim dijelom sprovode kroz realizaciju određenih IPA projekata i učešćem u radu Udarne grupe za borbu protiv terorizma i jačanje sposobnosti za borbu protiv terorizma, Operativne grupe za borbu protiv terorizma, Radne grupe za izradu prijedloga Strategije BiH za prevenciju i borbu protiv terorizma za period 2021-2026. godina, Radne grupe za izradu Strategije za borbu protiv organizovanog kriminaliteta u BiH za period 2023-2026. godina, Radne grupe za uspostavljanje fokalne tačke/fokalnih tačaka za vatreno oružje u BiH i Koordinacionog odbora za kontrolu malog oružja i lakog naoružanja u BiH (SALW).

S druge strane nastavljeno je svakodnevno evidentiranje dnevnih događaja od značaja za bezbjednost Bosne i Hercegovine, te se na osnovu biltena dnevnih događaja policijskih tijela u Bosni i Hercegovini sačinjavaju bilteni dnevnih događaja o bezbjednosnim informacijama od značaja za Bosnu i Hercegovinu, koji se dostavljaju Ministarstvu bezbjednosti Bosne i Hercegovine, Službi za poslove sa strancima Bosne i Hercegovine i svim policijskim tijelima u Bosni i Hercegovini.

U okviru Operativnog centra Direkcije kontinuirano se vrši monitoring uspostavljenog sistema video nadzora sa ciljem praćenja stanja bezbjednosti na štićenim objektima i pravovremenog djelovanja u slučaju ugrožavanja bezbjednosti, kao i aktivnosti na njegovom održavanju i pravilnom funkcionisanju. U skladu sa mogućnostima sistema video nadzora postupano je po zahtjevima Ministarstva unutrašnjih poslova Kantona Sarajevo za ustupanje zapisa video materijala radi rasvjetljavanja krivičnih djela iz njihove nadležnosti.

U skladu sa Sporazumu o korištenju sistema radio veze između policijskih tijela u Bosni i Hercegovini poduzimane su aktivnosti u okviru kojih je Operativni centar Direkcije svakodnevno ostvarivao komunikaciju sa operativnim centrima policijskih tijela potpisnica sporazuma, sa ciljem razmjene bezbjedonosno interesantnih saznanja i informacija.

U skladu sa Programom razvoja sistema zaštite i spašavanja na nivou institucija i organa BiH (2021-2025) koji je proizašao iz Okvirnog zakona o zaštiti i spašavanju ljudi i materijalnih dobara od prirodnih i drugih nesreća u BiH, planira se periodična obuka svih zaposlenih u Direkciji na osposobljavanju za zaštitu i spasavanje (obuke o početnom gašenju požara, prve pomoći i evakuacije).

Sistem elektronske razmjene podataka iz evidencija policijskih tijela i tužilaštva (u daljem tekstu: Sistem) koji je u prethodnim godinama unapređen, omogućava veći broj upita, tako da se trenutno preko sistema dnevno razmjeni oko 5.500.000 poruka. Centralna tačka sistema je dostupna 100% i u potpunosti funkcionalna.

U periodu 2024-2026. godina, u ovom segmentu, poduzimaće se aktivnosti na realizaciji programske aktivnosti:

##### ***Programska aktivnost 1: Policijska saradnja***

## 4.2. UNAPREĐIVANJE MEĐUNARODNE OPERATIVNE POLICIJSKE SARADNJE

Uspješno se realizuje korespondencija, saradnja i komunikacija sa zemljama članicama Interpola, SELEC-om i agencijama za sprovođenje zakona u BiH, te shodno potpisanim Sporazumima o operativnoj i strateškoj saradnji između BiH i Europolu i zakonskim propisima u BiH saradnja nadležnih tijela u BiH sa Europolom.

Policijskim agencijama i ministarstvima unutrašnjih poslova u Bosni i Hercegovini omogućen je pristup aplikaciji "Evidencija o licima za kojima se traga" koja omogućava automatsku obradu zaprimljenih informacija o licima za kojima se traga. Zaključno sa 28. aprilom 2023. godine u Evidenciju je uneseno ukupno 434.543 podataka.

Sa deset policijskih agencija i ministarstava unutrašnjih poslova u Bosni i Hercegovini potpisan je sporazum i omogućen je pristup INTERPOL-ovim bazama podataka AFIS Gateway - baza otisaka prstiju i FIELDS - baza podataka koja sadržava upozorenja o oblicima krivotvorenja dokumenata i fotografije validnih putnih i ID dokumenata.

U prethodnom periodu gotovo sve nadležne policijske agencije (osim MUP-a Republike Srpske) su potpisale Sporazum o korištenju Interpolove „iARMS“ aplikacije (Sistem za vođenje i praćenje evidencija ilegalnog oružja).

Omogućena je efikasnija i kvalitetnija razmjena podataka po pitanjima policijskih poslova od međunarodnog značaja ili zajedničkog interesa kroz saradnju sa policijskim atašeuima stranih zemalja u BiH. U 2022. godini, u sklopu međunarodne operativne policijske saradnje realizovano je devet operativnih akcija, u kojima je Direkcija koordinirala aktivnosti između agencija i drugih organa za sprovođenje zakona u BiH i nadležnih međunarodnih institucija. U narednom periodu Direkcija će po pozivu učestvovati u realizaciji operativnih akcija iniciranih od strane INTERPOL-a, EUROPOL-a i SELAC-a.

U cilju daljeg jačanja međunarodne operativne policijske saradnje, Direkcija će u saradnji sa ostalim relevantnim organima u BiH nastojati realizovati sljedeće aktivnosti:

1. Potpisivanje Sporazuma sa ostalim policijskim agencijama i ministarstvima unutrašnjih poslova u BiH i omogućavanje njihovog pristupa INTERPOL-ovim bazama: AFIS Gateway, FIELDS, RELIEF i iARMS.
2. Otkloniti sve poteškoće za pristup MUP-u Republike Srpske i MUP-u Kantona Sarajevo aplikaciji „Evidencija o licima za kojima se traga“.
3. Intenzivirati aktivnosti sa Ministarstvom civilnih poslova BiH za potpisivanje i ratifikaciju Konvencije Savjeta Evrope o intergrisanom pristupu bezbjednosti, obezbjeđnja i usluga na sportskim događajima u cilju pridruživanja NFIP mreži (National Football Information Point – kontakt tačka za razmjenu bezbjedonosnih informacija).
4. Poduzimati aktivnosti u skladu sa svojim zakonskim nadležnostima na implementaciji međunarodnog ugovora koji se odnosi na saradnju BiH sa EUROPOL-om.
5. Zajedno sa nadležnim policijskim agencijama u BiH raditi na priključivanju EUROPOL-ovim analitičkim projektima.

U periodu 2024-2026. godina, u ovom segmentu, poduzimaće se aktivnosti na realizaciji programske aktivnosti:

### **Programska aktivnost 1: Policijska saradnja**

### 4.3. UNAPREĐIVANJE ZAŠTITE LIČNOSTI I OBJEKATA KOJI SE POSEBNO ŠTITE

Tokom izvršavanja poslova i zadataka na zaštiti ličnosti i objekata koji se posebno štite, ostvarena je dobra saradnja sa policijskim i drugim organima u BiH, kroz održavnje redovnih sastanaka, te realizaciju *Sporazuma o međusobnom pružanju pomoći i operativnoj saradnji između Direkcije za koordinaciju policijskih tijela BiH, Državne agencije za istrage i zaštitu, Granične policije BiH, Federalne uprave policije i MUP-a Kantona Sarajevo*. U 2022. godini u sklopu sprovođenja operativnih akcija obezbjeđenja povodom posjeta stranih šticećenih ličnosti BiH, te održavanja drugih značajnih događaja u BiH, u dva slučaja aktiviran je Situacioni centar Direkcije. Po ukazanoj potrebi u istom je djelovao Operativni štab koji su sačinjavali predstavnici Državne agencije za istrage i zaštitu, Granične policije BiH, Federalne uprave policije, MUP-a Republike Srpske, Uprave za indirektno oporezivanje, Oružanih snaga BiH, Obavještajno bezbjedonosne agencije BiH, Službe za poslove sa strancima i nadležnih Ministarstava unutrašnjih poslova Kantona.

Takođe, postupajući po Odluci Ministarstva bezbjednosti Bosne i Hercegovine o pružanju podrške Graničnoj policiji Bosne i Hercegovine u obavljanju poslova granične kontrole, policijski službenici Direkcije su kontinuirano tokom čitave godine pružali ispomoći na području terenskih kancelarija Istok Višegrad.

Nastaviće se sa pružanjem pomoći i saradnjom sa Službom za poslove sa strancima na osiguranju migrantskih kampa „Lipa“ i „Borić“ u Bihauu i privremenih prihvatnih centara za migrante „Blažuj“ i „Ušivak“ u Sarajevu.

Na planu tehničke zaštite ličnosti i objekata kontinuirano se vrši monitoring uspostavljenog *sistema video nadzora* sa ciljem praćenja stanja bezbjednosti na šticećenim objektima i pravovremenog djelovanja u slučaju ugrožavanja bezbjednosti, kao i aktivnosti na njegovom održavanju i pravilnom funkcionisanju.

U planskom periodu u sve tri godine planiran je prijem 155 kadeta, od kojih 150 u činu policajca i pet kadeta u činu mlađeg inspektora, čime će se poboljšati kadrovska popunjenost i nadomjestiti odlazak policijskih službenika u penziju, a samim tim i podmladiti sastav policijskih službenika što će se odraziti na efikasnost izvršavanja poslova i zadataka zaštite šticećenih ličnosti i objekata.

U kontinuitetu se realizuju obuke službenika iz oblasti zaštite ličnosti i objekata, te shodno odobrenim budžetskim sredstvima i materijalno-tehničko opremanje.

U periodu 2024-2026. godina, u ovom segmentu, poduzimaće se aktivnosti na realizaciji programske aktivnosti:

#### *Programska aktivnost 2: Zaštita ličnosti i objekata*

### 4.4. PODRŠKA ZA REALIZACIJU PROGRAMA I PROGRAMSKIH AKTIVNOSTI

Podrška za realizaciju programskih aktivnosti „Policijska saradnja“ i „Zaštita ličnosti i objekata“ biće pružena kroz programsku aktivnost:

#### *Programska aktivnost 3: Upravljanje i podrška*

## POGLAVLJE 5: Resursi i kapaciteti potrebni za postizanje cilja

### 5.1. IZVORI FINANSIRANJA

Sredstva za realizaciju ovog Plana obezbjeđuje se iz *budžeta Institucija BiH* i zbog toga je izrada srednjoročnog plana usklađena sa procesom izrade budžeta. Planirano je da se za realizaciju ovog Plana iz budžeta izdvoji **190.355.000 KM**.

### 5.2. KAPACITETI POTREBNI ZA IZVRŠENJE PLANA

Za izvršenje ovog Plana koristiće se raspoloživi kapaciteti Direkcije. Za efikasniju realizaciju projekata neophodno je izvršiti kadrovsko popunjavanje organizacionih jedinica Direkcije, kako slijedi:

	2024.	2025.	2026.
<i>Broj službenika / Povećanje u odnosu na 2023. godine</i>	55/55	50/105	50/155

## POGLAVLJE 6: Okvir za praćenje provođenja plana i evaluaciju rezultata

### 6.1. KLJUČNI POKAZATELJI

#### 6.1.1. POKAZATELJI USPJEHA ZA SREDNJOROČNI CILJ

		Početna vrijednost 2023.	Očekivana vrijednost 2026.
<b>Srednjoročni cilj</b>	Unapređenje bezbjedonosnog sektora u nadležnosti institucija BiH sa aspekta odgovornosti i efikasnosti.		
POKAZATELJ USPJEHA	Stepen realizacije aktivnosti u oblasti zaštite ličnosti i objekata, domaće i međunarodne policijske saradnje	96%	96%

### 6.1.2. POKAZATELJI USPJEHA ZA SPECIFIČNI CILJ

<b>Srednjoročni cilj:</b> Unapređenje bezbjedonosnog sektora u nadležnosti institucija BiH sa aspekta odgovornosti i efikasnosti.		<b>Početna vrijednost 2023.</b>	<b>Očekivana vrijednost 2026.</b>
<b>Specifični cilj</b>	Razvijanje i jačanje domaće i međunarodne policijske saradnje i unapređenje zaštite ličnosti i objekata.		
<b>POKAZATELJ USPJEHA</b>	Razvojni projekti	1	1

### 6.1.3. POKAZATELJI REZULTATA ZA PROGRAM

	<b>POKAZATELJI REZULTATA</b>	<b>Početna vrijednost 2023.</b>	<b>Očekivana vrijednost 2026.</b>
<b>Specifični cilj:</b> Razvijanje i jačanje domaće i međunarodne policijske saradnje i unapređenje zaštite ličnosti i objekata.			
<b>Program:</b> Policijska saradnja i zaštita ličnosti i objekata	Stepen realizacije aktivnosti iz oblasti domaće policijske saradnje	90%	90%
	Stepen realizacije zahtjeva iz oblasti međunarodne operativne policijske saradnje	100%	100%
	Stepen realizacije mjera zaštite ličnosti i objekata	100%	100%

## 6.2. PRAĆENJE IZVRŠENJA I EVALUACIJA SREDNJOROČNOG PLANA RADA

Izvršenje Srednjoročnog plana rada Direkcije za koordinaciju policijskih tijela BiH pratiće se putem redovnih godišnjih izvještaja. Izvještaj o provođenju Srednjoročnog plana rada dostavljaće se Ministarstvu finansija i trezora BiH i Direkciji za ekonomsko planiranje najkasnije do **15. februara** tekuće godine za prethodnu godinu.

Svake tri godine Direkcija će sačinjavati i pripremiti Izvještaj o evaluaciji provođenja Srednjoročnog plana rada i dostavljati ga Ministarstvu finansija i trezora BiH i Direkciji za ekonomsko planiranje najkasnije do **1. maja** tekuće godine za prethodne tri godine.

Izvještaj o provođenju i izvještaj o evaluaciji Srednjoročnog plana rada će sačinjavati tim sastavljen od predstavnika *Odsjeka za istraživanja i strategije*, *Odsjek za analizu i procjene* i *Odsjeka za finansijsko-materijalne poslove i upravljanje budžetom* Direkcije.

**PRILOG 1:** Akcioni plan Srednjoročnog plana rada Direkcije za koordinaciju policijskih tijela BiH.

**PRILOG 2:** Pregled zakona, drugih propisa i razvojno – investicionih projekta/programa.

Broj: 20-06-07-5-251-10/23

Datum: 25. april 2024. godine

**DIREKTOR**  
**GLAVNI GENERALNI INSPEKTOR POLICIJE**  
**Enes Karić**











**PREGLED ZAKONA, DRUGIH PROPISA I RAZVOJNO INVESTICIONIH PROJEKATA/PROGRAMA PREDVIĐENIH  
SREDNJOROČNIM PLANOM RADA DIREKCIJE ZA KOORDINACIJU POLICIJSKIH TIJELA BiH**

<b>STRATEŠKI CILJ:</b> Transparentan, efikasan i odgovoran javni sektor								
<b>PRIORITET:</b> Ojačati vladavinu prava, bezbjednost i osnovna prava								
1	2	3	4	5	6	7	8	9
Srednjoročni cilj	Specifični cilj	Programi	Zakoni	Podzakonski akti	Usklađivanje sa pravnim nasljeđem EU (DA ili NE)	Planirani period za donošenje	Naziv projekta javnih investicija	Očekivani period realizacije
Unapređenje bezbjedonosnog sektora u nadležnosti institucija BiH sa aspekta odgovornosti i efikasnosti	Razvijanje i jačanje domaće i međunarodne policijske saradnje i unapređenje zaštite ličnosti i objekata	Policijska saradnja i zaštita ličnosti i objekata		Pravilnik o unutrašnjoj organizaciji Direkcije za koordinaciju policijskih tijela BiH	Ne	2024. godine		
				Odluka o određivanju ličnosti, objekata i vrijednosnih pošiljki koji se štite	Ne	2024. godine		
				Uputstvo o obimu i načinu provođenja fizičke i tehničke zaštite ličnosti, objekata i vrijednosnih pošiljki	Ne	2024. godine		